



REPUBLIKA E SHQIPËRISË
PROKURORIA E PËRGJITHSHME
KOMISIONI I POLICISË GJYQËSORE

Nr. 41/4 Prot.

Tiranë, më 17.11 2022

V E N D I M

Nr. 150, datë, 17. 11. 2022

PËR DHËNIE MASE DISIPLINORE

Komisioni i Policisë Gjyqësore pasi shqyrtoi në seancë dëgjimore materialet e procedimit disiplinor në ngarkim oficerit të policisë gjyqësore Nevruz Ndregjoni, dëgjoi pretendimet e saj dhe pasi analizoi çështjen në tërësi,

K O N S T A T O I:

1. Mbi kërkesën e Prokurorit të Përgjithshëm, nr.892/3 ex 21 datë 23.09.2022, "Për procedimin disiplinor të oficerit të Policisë Gjyqësore të Seksionit të Policisë Gjyqësore në Prokurorinë pranë Gjykatës së Shkallës së Parë Elbasan, Nevruz Ndregjoni", protokolluar në Komisionin e Policisë Gjyqësore, me numer protokolli 41, datë 23.09.2022, Komisioni i Policisë Gjyqësore, në përmbushje të detyrimeve ligjore të përcaktuara në nenin 36, pika 1 e ligjit nr.25/2019 "Për organizimin dhe funksionimin e Policisë Gjyqësore", ka nxjerrë Urdhërin nr.116, datë 07.10.2022 "Për fillimin e procedimit disiplinor ndaj oficerit të policisë gjyqësore të Seksionit të Policisë Gjyqësore në Prokurorinë pranë Gjykatës së Shkallës së Parë Elbasan, Nevruz Ndregjoni, për kryerjen e shkeljes disiplinore në formën : "veprimet dhe mosveprimet e oficerëve të Policisë Gjyqësore, të cilat passjellin zvarritje të proceseve hetimore", parashikuar si shkelje disiplinore nga ligji nr.25/2019 "Për organizimin dhe funksionimin e Policisë Gjyqësore", neni 33, pika 2, gërma "a".

2. Nga përmbajtja e kërkesës së Prokurorit të Përgjithshëm dhe Relacioni shoqërues, rezulton se si bazë për kërkesën për fillimin e procedimit disiplinor kanë shërbyer veprimet dhe mosveprimet, në shkelje të kërkesave të Kodit të Procedurës Penale dhe ligjit 25/2019 "Për organizimin dhe funksionimin e Policisë Gjyqësore", nga ana e oficerit të Policisë Gjyqësore të Seksionit të Policisë Gjyqësore të Prokurorisë pranë Gjykatës së Shkallës së Parë Elbasan, Nevruz Ndregjoni, gjatë hetimit të 6 procedimeve penale, Procedimi penal **nr.1433**, datë 15.09.2020, Procedimi penal **nr. 1676**, datë 12.10.2020, Procedimi penal **nr. 901(1580)**, datë

12.11.2020, Procedimi penal **nr.1790**, datë 29.10.2020, Proçedimi penal **nr.1718**, regjistruar ne daten 16.10.2020 dhe proçedimi penal **nr.1495**, datë 20.09.2020.

Nga aktet që u administruan gjatë seances dëgjimore per proçedimin disiplinor, u provua se:

2.1 Prokuroria e Përgjithshme, mbi bazën e Urdhërit Nr.61 datë 02.06.2021, të Prokurorit të Përgjithshëm, ka ushtruar kontroll mbi treguesi e punës së oficerëve të Policisë Gjyqësore, të Seksionit të Policisë Gjyqësore të Prokurorisë pranë Gjykatës së Rrethit Gjyqësor Elbasan për vitin 2021.

Objekti i kontrollit ishte ligjshmëria e veprimeve hetimore të oficerëve të Policisë Gjyqësore në;

- Procedimet penale të regjistruara nga data 01.05.2020 – 31.05.2021 dhe ato të mbartura nga vitit 2019, për të cilat është vendosur pushimi i procedimit penal, janë dërguar për gjykim, apo nuk kanë përfunduar hetimet dhe janë mbartur për vitin 2021.

- Mosfillimet e procedimeve penale të vendosura për materialet kallëzuese/referuese të regjistruara prej datës 01.05.2020 – 31.05.2021.

- Disiplina në punë.

Nga ana e grupit të punës, në përfundim të procesit të kontrollit të ushtruar për cdo oficer të policisë gjyqësore, është përpiluar raporti përfundimtar përmbledhës në të cilan janë pasqyruar problematikat si në nivel organizativ të punës së seksionit të policisë gjyqësore pranë Prokurorisë pranë Gjykatës së Shkallës së Parë Elbasan ashtu dhe në nivel individual për secilin oficer të policisë gjyqësore.

Në përfundim të kontrollit të ushtruar për periudhën objekt inspektimi u konstatua se në hetimin e procedimeve penale të hetuara nga oficeri i Policisë Gjyqësore Nevruz Ndrejoni se në disa prej tyre janë lejuar zvarritje në hetim dhe nuk janë respektuar afatet e caktuara në urdhërin e prokurorit të çështjes, për kryerjen e veprimeve hetimore.

Zvarritjet e veprimeve hetimore janë të pajustificuara dhe në shkelje të dispozitave ligjore të Kodit të Proçedurës Penale dhe ligjit 25/2019, “Për organizimin dhe funksionimin e Policisë Gjyqësore”, të cilat rregullojnë dhe disiplinojnë hetimin dhe afatet e tij.

2.2. Sikurse rezulton nga aktet e administruara në seancën dëgjimore, në datën 16.10.2020, Prokuroria Elbasan ka regjistruar proçedimin penal **nr. 1718**, për veprën penale “Punësimi i paligjshëm”, parashikuar nga neni 170/a i K.Penal , i cili është pushuar në datën 19.03.2021

Prokurori i çështjes, ka nxjerë urdhër për kryerje të veprimeve hetimore në datën 19.10.2020, duke ngarkuar oficerët e Policisë Gjyqësore Erion Çekrezi dhe Nevruz Ndrejoni të kryejnë veprimet hetimore brenda dates 20.11.2020.

Gjatë hetimit të proçedimit penal janë lejuar zvarritje të pajustificuara dhe nuk janë respektuar afatet e caktuara nga prokurori për kryerjen e veprimeve hetimore. Edhe për ato veprime

hetimore qe jane kryer, konstatohet distance e gjatë në kohë nga kryerja e nje veprimi në tjetrin. Proçedimi penal është regjistruar në datën 16.10.2020, ndërsa relacioni përfundimtar nga oficeri i Policisë Gjyqësore është përpiluar më datë 03.03.2021.

Për sa më sipër, rezulton se oficeri i Policisë Gjyqësore Nevruz Ndregjoni, pa shkaqe të arsyeshme, ka zvarritur hetimet duke mbajtur dosjen pa veprime për 5 muaj.

U provua se veprimet hetimore për këtë proçedim penal janë kryer nga ana e oficerit të Policisë Nevruz Ndregjoni, jashtë afatit të caktuar nga prokurori dhe proçedimi penal është mbajtur në dorë pa shkaqe të justifikuara për 5 muaj.

2.3. Në datën 20.09.2020, është regjistruar procedimi penal **nr. 1495**, për veprën penale “Shkelja e rregullave të mbrojtjes në punë”, parashikuar nga neni.289 i K.Penal , pushuar në datën 02.02.2021.

Pas regjistrimit të proçedimit penal, prokurori ka nxjerrë urdhërin për kryerjen e veprimeve hetimore, date 21.09.2020 duke urdhëruar oficerin e Policisë Gjyqësore Nevruz Ndregjoni të kryej veprimet hetimore deri në datën 21.12.2020

Edhe në këtë proçedim penal konstatohen zvarritje të pajustificuara gjatë hetimit, si në seancat pyetjeve te personave të ndryshëm, ashtu dhe në administrimin e të dhënave shkresore. Proçedimi penal është regjistruar në datën 20.09.2020, ndërsa relacioni përfundimtar nga oficeri i Policisë Gjyqësore është përpiluar më datë 26.01.2021. Rezulton se janë kryer shumë pak veprime hetimore, të cilat nuk justifikojnë vazhdimin e hetimit për 4 muaj.

Rezulton e provuar se nga ana e oficerit të Policisë Gjyqësore Nevruz Ndregjoni veprimet hetimore, janë kryer jashtë afatit të caktuar nga prokurori dhe se proçedimi penal është mbajtur në dorë pa shkaqe të justifikuara për 4 muaj

2.4. Në datën 15.09.2020 është regjistruar procedimi penal **nr.1433**, për veprën penale “Kundërshtimi i punonjësit që kryen një detyrë shtetërore ose një shërbim publik”, parashikuar nga neni 235 i Kodit Penal, përfunduar me Urdhër Penal në datën 03.02.2021.

Prokurori i çështjes, Rajmonda Berisha ka nxjerrë urdhërin për kryerjen e veprimeve hetimore në datën 21.09.2020 duke urdhëruar oficerin e Policisë Gjyqësore, Nevruz Ndregjoni të kryej veprimet hetimore brenda dates 21.12.2020.

Nga studimi i akteve të proçedimit penal ka rezultuar se oficeri i Policisë Gjyqësore Nevruz Ndregjoni, në kundërshtim me parashikimet e K.Pr.Penale, dhe duke shkelur afatet e caktuara nga prokurori i çështjes, ka zvarritur në mënyrë të pajustificuar kryerjen e veprimeve hetimore. Konstatohen zvarritje të pajustificuara gjatë hetimit si në seanca pyetjesh ashtu dhe në administrim të dhënash shkresore. Proçedimi penal është regjistruar në datën 15.09.2020, ndërsa relacioni përfundimtar nga oficeri i Policisë Gjyqësore është përpiluar më datë 26.01.2021.

Sikurse rezultoi e provuar nga aktet e administruara, veprimet hetimore janë kryer jashtë afatit të caktuar nga prokurori dhe se proçedimi penal është mbajtur në dorë pa veprime për periudha relativisht të gjata.

2.5. Në datën 12.11.2020 është regjistruar procedimi penal **nr. 1901(1580)**, për veprën penale “Mosbindja ndaj urdhërit të punonjësit të policisë së rendit publik”, parashikuar nga neni 242 i Kodit Penal, pushuar në datën 30.07.2021

Edhe në këtë procedim penal, pavarësisht pretendimeve të oficerit të policisë gjyqësore Nevruz Ndrejoni, se dosjen e ka marrë me vonesë nga prokurori, u provua se për periudhën që procedimi penal është ndjekur prej tij, janë lejuar zvarritje të pajustificuara gjatë hetimit që konsistojnë në vijueshmërinë e kryerjes së veprimeve hetimore. Rezulton se dosja penale është marrë nga oficeri i Policisë Gjyqësore Nevruz Ndrejoni në datën 20.03.2021 dhe i është lënë afat për kryerjen e veprimeve data 05.05.2021. Megjithatë hetimi ishte zvaritur nga oficerët e Policisë Gjyqësore që e kishin patur më parë, dhe veprimet duhet të kryheshin në një kohë sa më të shkurtër, oficeri i Policisë Gjyqësore Nevruz Ndrejoni ka lejuar ndërprerje të gjata në kohë midis veprimeve hetimore, duke mosrespektuar afatin e caktuar nga prokurori në urdhërin për kryerjen e veprimeve hetimore.

Duke patur parasysh natyrën dhe rrezikshmërinë që paraqet kjo vepër penale dhe kohën që duhen për kryerjen e veprimeve hetimore, është e pajustificuar zgjatja e hetimeve tej afatit të caktuar në urdhërin e prokurorit të çështjes.

2.6 Në datën 29.10.2022 është regjistruar procedimi penal **nr.1790**, për veprën penale “Plagosja e rënde me dashje”, parashikuar nga neni 88/1 i K.Penal, dërguar gjyqit në datën 07.05.2021

Prokurori i çështjes, Xhelian Seferi ka nxjerrë nxjerrë urdhërin për kryerjen e veprimeve hetimore në datën 26.01.2021, duke urdhëruar oficerin e Policisë Gjyqësore, Nevruz Ndrejoni të kryej veprimet hetimore brenda dates 10.02.2021.

Nga studimi i akteve të procedimit penal ka rezultuar se oficeri i Policisë Gjyqësore Nevruz Ndrejoni, në kundërshtim me parashikimet e K.Pr.Penale, dhe duke shkelur afatet e caktuara nga prokurori i çështjes, ka zvaritur në mënyrë të pajustificuar kryerjen e veprimeve hetimore. Konstatohen zvarritje të pajustificuara gjatë hetimit si në seanca pyetjesh ashtu dhe në administrim të dhënash shpresore. Relacioni përfundimtar, është përpiluar më datë 24.03.2021 dhe procedimi penal është mbajtur në hetim pa shkaqe të përligjura për afro 5 muaj.

Sikurse rezultoi e provuar nga aktet e administruara, veprimet hetimore janë kryer jashtë afatit të caktuar nga prokurori dhe se procedimi penal është mbajtur në dorë pa veprime për periudha relativisht të gjata.

2.7 Lidhur me procedimin penal **nr. 1676/2020**, regjistruar për veprën penale “Shkatërimi i pronës me zjarr” parashikuar nga neni 151 i Kodit Penal, pushuar në datën 26.03.2021, e cila përfshihet në propozimin e Prokurorit të Përgjithshëm, në grupin e procedimeve penale në të cilat janë lejuar zvarritje në hetim, Komisioni nuk konstaton zvarritje në hetim nga ana e oficerit të Policisë Gjyqësore Nevruz Ndrejoni.

U provua nga Urdhëri drejtuesit të Prokurorisë Elbasan, “Për zëvendësimin e oficerit të Policisë Gjyqësore”, datë 02.02.2021, se procedimi penal është marrë nga oficeri i Policisë Gjyqësore

Nevruz Ndrejoni në muajin shkurt 2021 dhe veprimet hetimore janë përfunduar prej tij brenda një muaji.

3. Nga tërësia e materialeve të administruara gjatë shqyrtimit të proçedimit disiplinor, analiza e tyre dhe shpjegimet e vetë subjektit të proçedimit disiplinor, provohet se gjatë hetimit të 5 proçedimeve penale, proçedimi penal **nr. 1718/2020**, procedimi penal **nr. 1495/2020**, procedimi penal **nr.1433/2020**, procedimi penal **nr. 901(1580)/2020 dhe** procedimi penal **nr.1790/2020**, nga ana oficerit të policisë gjyqësore Nevruz Ndrejoni, janë shkelur kërkesat e Kodit të Proçedurës Penale, që disiplinojnë afatet e hetimit dhe dispozitat e Ligjit nr.25/2019 “Për organizimin dhe funksionimin e Policisë Gjyqësore që rregullojnë mardhëniet midis oficerit të Policisë Gjyqësore dhe Prokurorit. Sikurse rezulton nga aktet e dosjeve penale të sipërcituara, shumë veprime hetimore janë kryer tej afatit të caktuar në urdherin e delegimit të prokurorit dhe tej afatit 3 mujor që parashikon neni 323 i K.K.Pr.Penale. Neni 323 i K.Pr.Penale parshikon se afati i përfundimit të hetimeve është tre muaj nga data në të cilin emri i personit që i atribuohet vepra penale është shënuar në regjistrin e njoftimit të veprave penale.”

Ndërsa në nenin 7, pika 2 të ligjit 25/2019 “Për organizimin dhe funksionimin e Policisë Gjyqësore, është parashikuar detyrimi që ka oficeri i Policisë Gjyqësore për të zbatuar urdhërat dhe udhëzimet e prokurorit për përcaktimin e çështjeve që duhen hetuar me përparësi, veprimeve konkrete që duhen kryer, si dhe kohëzgjatjen e nevojshme të hetimeve. Sikurse u provua gjatë shqyrtimit të proçedimit disiplinor, në kundërshtim me këtë detyrim ligjor, për të gjitha proçedimet penale që u trajtuan më sipër, oficeri i Policisë Gjyqësore Nevruz Ndrejoni , nuk ka respektuar afatet e hetimit dhe afatet e caktuara nga prokurori për kryerjen e veprimeve hetimore dhe përfundimin e çështjes.

4. Në çmim të Komisionit, shkeljet e kërkesave të Kodit të Proçedurës Penale dhe ligjit 25/2019 “Për organizimin dhe funksionimin e Policisë Gjyqësore”, lidhur me afatin e hetimeve dhe moskryerja e veprimeve hetimore brenda afateve të parashikuara në ligj dhe urdhërin e delegimit të prokurorit, nga oficeri i policisë gjyqësore Nevruz Ndrejoni, për vetë natyrën e tyre dhe pasojat që sjellin, përbëjnë shkelje disiplinore, të parashikuar nga neni 33 i ligjit 25/2019 “Për organizimin dhe funksionimin e Policisë Gjyqësore”

Komisioni vlerëson se shkelja e kërkesave të Kodit të Proçedurës Penale, dhe nenit 7 të ligjit nr.25/2019 “Për organizimin dhe funksionimin e Policisë Gjyqësore”, mbajtja në dorë e proçedimit penal, pa kryer veprime hetimore dhe kryerja e tyre jashtë afateve të caktuara nga prokurori, përbëjnë shkelje disiplinore në formën, **“veprimet dhe mosveprimet e oficerëve të policisë gjyqësore, të cilat passjellin zvarritje të proçeseve hetimore ”**, parashikuar nga **neni 33, pika 2, gërma “a” e ligjit 25/2019** “Për organizimin dhe funksionimin e Policisë Gjyqësore”.

4.1. Lidhur me këto shkelje, Oficeri i Policisë Gjyqësore, Nevruz Ndrejoni , nuk i pranon ato dhe shpjegon se vonesat dhe zvarritjet kanë ardhur sepse dosjet janë mbajtur për një kohë të gjatë nga prokuroret e çështjes apo oficerë të policisë gjyqësore që i kanë patur më parë këto dosje dhe se veprimet e saj kanë qenë brenda afatit ligjor.

Këto shpjegime dhe pretendime të oficerit të policisë gjyqësore Nevruz Ndrejoni, nuk justifikojnë shkeljet e kryera dhe vonesat në hetimin e procedimeve penale.

Referuar, ligjit nr.25/2019 “Për funksionimin dhe organizimin e Policisë Gjyqësore”, nenit 7, pika 2, oficerët e Policisë Gjyqësore, kanë detyrimin ligjor të zbatojnë urdhërat dhe udhëzimet e prokurorit për përcaktimin e çështjeve që duhen hetuar me përparësi, e veprimeve konkrete që duhen kryer, si dhe për kohëzgjatjen e nevojshme të hetimeve. Ndërsa në nenin 33, pika 2 e Kodit të Procedurës Penale parashikohet detyrimi i Policisë Gjyqësore për të kryer detyrat që i janë caktuar nga prokurori dhe të njoftojë atë menjëherë mbi rezultatet e tyre. Për procedimet penale objekt i shqyrtimit të këtij procedimi disiplinor, prokurori ka caktuar veprimet hetimore që duhet të kryeshin dhe afatin brenda të cilit duhet të kryeshin nga oficeri i policisë gjyqësore, të cilat nuk janë respektuar nga oficeri i Policisë Gjyqësore Nevruz Ndrejoni.

Mosrespektimi afateve të caktuara nga prokurori, kryerja e veprimeve hetimore tej këtyre afateve, dhe mosnjoftimi i prokurorit, për rezultatet brenda afatit të caktuar prej tij, përbëjnë shkelje të dispozitave ligjore të sipërcituara dhe zvarritje në hetim, në kuptimin që Ligji 25/2019 “Për organizimin dhe funksionimin e Policisë Gjyqësore” jep për konceptin e zvarritjeve në hetim, të cilat sjellin si pasojë përgjegjësi disiplinore për oficerin e Policisë Gjyqësore.

Në thelb, afatet e hetimit të përcaktuara në Kodin e Procedurës Penale janë afate për prokurorin. Sipas parashikimeve të K.Pr.Penale, përgjegjës për hetimin e çështjes është prokurori. Ai ka përgjegjësinë për ecurinë e çështjes dhe përfundimin e saj në afatet që ka caktuar Kodi i Procedurës Penale.

Oficeri i Policisë Gjyqësore lidhet me urdhërat e prokurorit për afatet e hetimit. Prokurori i cakton ato në bazë të një plani që ai ka për hetimin dhe përfundimin e çështjes. Për oficerin e Policisë Gjyqësore, afate të hetimit janë ato që cakton prokurori në urdhërat për kryerjen e veprimeve hetimore.

5. Duke e konsideruar të provuar shkeljen disiplinore të kryera nga oficeri i policisë gjyqësore Nevruz Ndrejoni, Komisioni, për caktimin e llojit të masës disiplinore ndaj tij, i referohet ligjit nr.25/2019 “Për organizimin dhe funksionimin e Policisë Gjyqësore.

Ligji i sipërcituar, në nenin 33 i klasifikon shkeljet disiplinore të kryera nga oficerët e policisë gjyqësore në tre kategori:

- a) Të lehta;
- b) Të rënda;
- c) Shumë të rënda.

Po ky ligj, në gërmën “a”, pika 2, e nenit 33, parashikon si **shkelje të lehtë**, “veprimet dhe mosveprimet e oficerëve të Policisë Gjyqësore, të cilat pasqellojnë zvarritje të proceseve hetimore”.

Për caktimin e masës disiplinore ndaj oficerit të Policisë Gjyqësore, Nevruz Ndrejoni, Komisioni merr në konsideratë llojin dhe natyrën e shkeljes disiplinore të kryera prej saj, pasojat që ato kanë sjellë, rrethanat e dala gjatë shqyrtimit.

Gjithashtu Komisioni i referohet dispozitave të ligjit 25/2019 “Për organizimin dhe funksionimin e Policisë Gjqësore” për parashikimet që ai bën për masat disiplinore, në raport me shkeljen e kryer.

Ligji i sipërcituar, në nenin 34 në pikën 1, parashikon llojet e masave disiplinore duke i klasifikuar sipas rradhës, a) vërejtje me shkrim, b) vërejtje me paralajmërim, c) ulje në detyrë me afat nga tre muaj deri në një vit, ç) pezullim nga detyra deri në 6 muaj dhe d) largim nga detyra ose çdo masë tjetër e barasvlefshme me të.

Në pikën 2 të nenit 34 parashikohet që, për shkeljet e lehta jepen masat disiplinore “vërejtje me shkrim” ose “vërejtje me paralajmërim”.

Referuar dispozitave ligjore të sipërpërmendura dhe shkeljeve konkrete të kryera, Komisioni çmon që ndaj oficerit të Policisë Gjqësore Nevruz Ndregjoni të japë masën disiplinore “**vërejtje me shkrim**”, parashikuar nga neni 34, pika 1, gërma “a” e ligjit 25/2019 “Për organizimin dhe funksionimin e policisë gjqësore”.

Për sa më sipër, në bazë të neneve 10, shkronja “ç”, 11, pika 4, nenit 33, pika 2, gërmat “a”, dhe “c”, neni 34, pika 1, gërma “b”, dhe neni 38 të Ligjit nr.25/2019 “Për organizimin dhe funksionimin e policisë gjqësore”, Komisioni i Policisë Gjqësore me katër vota pro.

V E N D O S I:

1. Oficerit të policisë gjqësore Nevruz Ndregjoni, me detyrë oficer i policisë gjqësore në Seksionin e Policisë Gjqësore të Prokurorisë pranë Gjykatës së Shkallës së Parë Elbasan, i jepet masa disiplinore “**Vërejtje me shkrim**”.
2. Me këtë vendim , të njihet oficeri i policisë gjqësore Nevruz Ndregjoni, i cili, në bazë të nenit 39 të ligjit 25/2019, “Për organizimin dhe funksionimin e Policisë Gjqësore, ka të drejtën e ankimit në Gjykatën Administrative.
3. Kopje të këtij vendimi i dërgohen Prokurorisë së Përgjithshme, Prokurorisë pranë Gjykatës së Shkallës së Parë Elbasan.
4. Vendimi të administrohet në dosjen personale të oficerit të policisë gjqësore Nevruz Ndregjoni.

KOMISIONI I POLICISË GJYQËSORE

KRYETARI

ALFRED PROGONATI



ANËTAR

ARJAN MUÇA

mun gon

ANËTAR

HARI GOGO

H999

ANËTAR

REDI VASILI

ANËTAR

ALBERT MUÇO

A